



XUNTA DE GALICIA

CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E A ASOCIACIÓN GALEGA DE APICULTURA EN MATERIA DE PROTECCIÓN CIVIL.

REUNIDOS

Dunha parte D. Alfonso Rueda Valenzuela, que actúa en representación da Xunta de Galicia, en virtude do seu cargo de vicepresidente e conselleiro de Presidencia, Administracións Públicas e Xustiza, no exercicio das facultades que lle confire o artigo 34 da Lei 1/1983, do 22 de febreiro, que regula a Xunta e a súa presidencia, e o artigo 2 da Resolución de 8 de abril de 1991, pola que se publica o acordo do Consello da Xunta de Galicia do 27 de marzo de 1991.

Doutra parte D. Manuel Gutiérrez Saavedra, presidente da Asociación Galega de Apicultura e en virtude das atribucións que lle confire o Artigo 16º dos Estatutos que rexen dita asociación (nº 2004/007461-1 do Rexistro Central de Asociacións desta Comunidade Autónoma)

EXPOÑEN

Que a Vicepresidencia e Consellería de Presidencia, Administracións Públicas e Xustiza, conforme ao disposto nos Decreto 235/2012, do 5 de decembro, polo que se fixa a estrutura orgánica da Vicepresidencia e das consellerías da Xunta de Galicia e o Decreto 72/2013, do 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza é o departamento encargado de xestionar as competencias que en materia de protección civil ten atribuídas a Comunidade Autónoma de Galicia, e mais especificamente a Dirección Xeral de Emerxencia e Interior encadrada na súa estrutura.

Que conforme ao disposto no artigo 24 do Decreto 56/2000, do 3 de marzo (DOG nº 62, do 29 de marzo de 2000), modificado polo Decreto 109/2004, do 27 de maio (DOG nº 108, do 7 de xuño de 2004), polo que se aproban as medidas de coordinación da protección civil no ámbito da Comunidade Autónoma de Galicia, prevede que a Xunta de Galicia poderá establecer convenios de colaboración con entidades públicas e privadas.

Que conforme ao establecido nos artigos 5.3 e 47.2 da Lei 5/2007 de emerxencias de Galicia, a Xunta de Galicia poderá subscribir convenios de colaboración con entidades públicas ou privadas co fin de facilitar a colaboración das mesmas na xestión de riscos e de emerxencias.





XUNTA DE GALICIA

Que a Asociación Galega de Apicultura "AGA" ten entre os seus fins informar, formar e asesorar aos asociados e a sociedade no seu conxunto en materia de apicultura, a través de publicacións, cursos, xornadas, conferencias, concursos, demostracións, etc.

O carácter excepcional do servizo de protección civil como servizo esencial para a comunidade, que funciona as 24 horas do día os 365 días do ano, e a imposibilidade de planificar todas as actuacións das emerxencias no tempo, as emerxencias ocorren a calquera hora de calquera día do ano, non se poderían afrontar, coa mesma garantía, se non contamos con todos os medios existentes e mais con aqueles que teñen un carácter específico e especializado.

Que entre os medios e recursos mobilizables pola Vicepresidencia e Consellería de Presidencia, Administracións Públicas e Xustiza, é conveniente contar en determinados momentos, ademais dos seus propios, con medios dos que ela non dispón, optimizando recursos e orzamentos, sendo obxecto deste convenio a colaboración coa AGA en materia de protección civil, entendendo a mesma como a seguridade dos cidadáns e os seus bens, a través do coñecemento da mesma e poñendo en valor o interese da prevención e socorro así como a práctica individual e colectiva da autoprotección, como medidas primordiais para evitar riscos o cando menos minorar as consecuencias dos posibles accidentes.

Dado que estas funcións son levadas a termo en toda a Comunidade Autónoma, exercidas de maneira contrastada por esta Asociación, non son, polo tanto, de aplicación os principios de publicidade e concorrência pública, de acordo co establecido no artigo 11.2 da Lei 4/2006 do 30 de xuño de transparencia e boas prácticas na Administración Pública Galega.

Por iso ámbalas dúas partes,

ACORDAN

Primeiro. Obxecto

O obxecto do presente convenio é establecer as bases para a colaboración no Sistema de Protección Civil de Galicia, entre a Vicepresidencia e Consellería de Presidencia, Administracións Públicas e Xustiza, a través da Dirección Xeral de Emerxencias e Interior, coa AGA, en materia de protección civil en canto ao apoio que esta poida aportar nas accións de prevención, promoción, divulgación, información, asesoramento e posible intervención na recollida ou control de enxames e avespeiros que se atoparan en vivendas ou en calquera edificación pública, estamento, organismo público ou lugar de libre concorrência, que dada a afluencia de cidadáns provocaran perigo ou incomodidades aos mesmos, no ámbito territorial





XUNTA DE GALICIA

da comunidade autónoma, contribuíndo deste xeito á tranquilidade da poboación e colaboración coa protección civil.

Segundo. Mobilización

A información, asesoramento e ou mobilización para a intervención será sempre a través do Centro de Atención de Emerxencia 112 Galicia, recibida unha chamada de emerxencia deste tipo será transmitida ao teléfono de contacto de AGA, que avaliada polos técnicos poderase solucionar vía telefónica ou coa presenza in situ dun técnico de AGA.

Considerase situación de emerxencias nos seguintes casos:

- Niños en núcleos urbanos e vivendas.
- Niños en establecementos singulares (escolas, institutos, igrexas, hospitais, ambulatorios, oficinas públicas, parques infantís, etc.)
- Niños en lugares de paso de poboación (Camiño de Santiago...).
- Outras situación de emerxencia que o técnico de garda así a considerara en atención aos datos dos que puidera dispoñer.

 AGA tomará as medidas oportunas para solucionar a emerxencia en colaboración cos servizos de emerxencias e/ou protección civil municipais, que a Central de emerxencias 112 puidera mobilizar, de forma gratuíta e co cargo ao Convenio no referente ao desprazamento in situ, consellos técnicos e traballo de recollida ou control dos enxames e avespeiros, exceptuando obras, materiais ou traballos de envergadura.

Terceiro. Formación e información ao persoal de protección civil no ámbito local

Sen prexuízo das prestacións ás que, con carácter xeral poida estar obrigada pola lexislación vixente sobre protección civil, a AGA colaborarán coas autoridades de protección civil de Galicia, en materia de formación, información e divulgación ao persoal dos servizos de emerxencia e protección civil local ou a voluntarios das agrupacións de protección civil. a través de charlas o demostracións prácticas.

Para a forma concreta de proceder, nas charlas ou demostracións prácticas informativas e formativas impartidas por AGA, en colaboración cos membros da protección civil local, estarase aos acordos coa Dirección Xeral de Emerxencias e Interior contando coa participación da Academia Galega de Seguridade Pública.





XUNTA DE GALICIA

Cuarto. Libramiento dos fondos

A Vicepresidencia e Consellería de Presidencia, Administracións Públicas e Xustiza, a través da Dirección Xeral de Emerxencias e Interior, colaborará para financiar os custos que xeren as actividades obxecto do presente convenio, reflectido no orzamento global de previsión de gastos (anexo I), con cargo á aplicación orzamentaria 05.25.212A.640.0 e código de proxecto 2015 00138 dos orzamentos do ano 2016, cunha achega por un importe máximo de vinte e un mil euros (21.000 €).

Para percibir a cantidade que achega a Dirección Xeral de Emerxencias e Interior, a AGA a entregará a seguinte documentación:

- A conta xustificativa dos gastos totais realizados e a documentación acreditativa do seu pago (nóminas facturas, etc), tendo en conta que a cantidade máxima que se obriga a aportar a Vicepresidencia e Consellería de Presidencia, Administracións Públicas e Xustiza é de vinte mil euros (20.000 €), que reducirase na mesma proporción que represente a cantidade xustificada respecto do orzamento total (anexo I).
- Facturas e xustificantes de pagamento correspondentes aos gastos totais realizados. Considerase xustificante de pagamento válido unicamente os extractos ou certificacións bancarias debidamente identificados, selados e asinados polo presidente da asociación.
- Para aquelas compras realizadas en metálico, de ata 1000 euros por factura, será suficiente a factura orixinal ou compulsada polas oficinas de rexistro en que figure "pagado" xunto coa sinatura e o número de NIF da persoa encargada da empresa subministradora.
- Documentos de liquidación de gastos de mantemento, desprazamento e loxística, polo cumprimento das actividades do convenio, na que figure tanto a conformidade do presidente da asociación como o "recibín" do perceptor desta compensación.

No caso de non presentarse as facturas suficientes no prazo establecidos, ou ben non ser correctas na súa totalidade, verase reducida na mesma proporción que represente a cantidade xustificada respecto do orzamento total.

A Dirección Xeral de Emerxencias e Interior acompañará unha certificación na que se indique o cumprimento, por parte de AGA, das obrigas contidas neste convenio.

Toda a documentación xustificativa descrita nesta cláusula deberá estar en poder da Dirección Xeral de Emerxencias e Interior, a máis tardar, o 30 de novembro de 2016.





XUNTA DE GALICIA

Quinto. Publicidade

Este convenio será obxecto de publicación de acordo co previsto na Lei 1/2016, do 18 de xaneiro, de transparencia e bo goberno da Administración pública galega. Así mesmo, incluírase no Rexistro Público de Axudas, Subvencións e Convenios, de conformidade co Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de presupostos xerais da Comunidade Autónoma para o ano 2006, e artigo 16 da Lei 9/2007, do 13 de xuño, de subvencións de Galicia.

As partes asinantes do convenio manifestan o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados no Portal da Transparencia e Goberno Aberto.

Sexto. Comisión de seguimento

Crease unha comisión mixta, constituída por dous representantes por cada unha das partes, que velará polo cumprimento das estipulacións deste convenio e proporcionará o soporte de xestión axeitado para atender os supostos que as circunstancias puideran deparar e propoñer as actuacións que sexan necesarias para o desenvolvemento e execución do mesmo.

Pola Dirección Xeral de Emerxencias e Interior:

Un subdirector xeral da Dirección Xeral de Emerxencias e Interior e un técnico dependente da mesma.

Pola Asociación:

O presidente e o secretario técnico de AGA

Sétimo. Causas de resolución

O presente convenio resolverase:

- a) Por incumprimento total ou parcial dalgunha das estipulacións que o regulan.
- b) Polo transcurso do tempo estipulado sen que se culminen as actividades acordadas.

De se resolver o convenio, a Vicepresidencia e Consellería de Presidencia, Administracións Públicas e Xustiza pode, se é o caso, esixir o reintegro das cantidades achegadas.

Oitavo. Lexislación aplicable

As dúbidas que se presenten na súa interpretación, caso de discrepancias, serán resoltas, visto o informe da comisión de seguimento, polo vicepresidente e





XUNTA DE GALICIA

conselleiro de Presidencia, Administracións Públicas e Xustiza, poñendo así fin á vía administrativa.

O incumprimento de calquera das cláusulas do presente convenio constituirá causa suficiente de rescisión do mesmo, e dará lugar á resolución do mesmo e, no seu caso, á devolución das cantidades percibidas, xunto cos xuros de demora correspondentes si fora o caso.

O presente convenio ten carácter administrativo, quedando ámbalas dúas partes suxeitas á xurisdición contencioso-administrativa para a resolución de calquera conflito que puidese xurdir como consecuencia do mesmo, e quedará suxeito ó disposto polo Acordo da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda, do 8 de abril de 1991.

Aínda que é un dos excluídos do ámbito de aplicación do Texto Refundido da Lei de Contratos do Sector Público aprobado por Real Decreto Legislativo 3/2011, do 14 de novembro, segundo especifica o seu artigo 4, ao non previsto aplicaráselle os principios recollidos no citado texto, co fin de resolver dúbidas e omisións que puidesen presentarse. Así mesmo, de maneira supletoria terase en conta o decreto legislativo 1/1999, do 7 de outubro, pola que se aproba o texto refundido da Lei de réxime financeiro e orzamentario de Galicia e demais normativa vixente na materia.

Noveno. Vixencia

A vixencia do presente convenio é dende o momento da súa sinatura ata o 31 de decembro de 2016.

En proba de conformidade, asínase o presente convenio por duplicado.

Santiago de Compostela, 25 de maio de 2016

Pola Vicepresidencia e Consellería de
Presidencia, Administracións Públicas e
Xustiza

O vicepresidente e conselleiro



Alfonso Rueda Valenzuela

Pola Asociación Galega de Apicultura
O presidente

Manuel Gutiérrez Saavedra



XUNTA DE GALICIA

**ANEXO I.-
ORZAMENTO GLOBAL ESTIMADO DE PREVISIÓN DE GASTOS**

Asociación Galega de Apicultores "AGA"

1.-Recollida e control de enxames e avespeiros	5000 €
2.-Recepción, transmisión de avisos, asesoramento e formación	13100 €
3.-Seguro de accidentes para o persoal de intervención de AGA	950 €
4.-Gastos imprevistos	1950 €
TOTAL, IMPOSTOS INCLUÍDOS	21000 €

